

Izjava visokog predstavnika Valentina Inzka povodom 26. godišnjice genocida u Srebrenici



Bosna i Hercegovina se potpuno promijenila od 1995. godine – ali poslijeratni oporavak nije samo sanacija materijalne štete. To je složen proces.

Oporavak od nasilja, oporavak od okrutnosti, oporavak od zločina – to su duga putovanja. Često su teška. I možda nikada neće biti u potpunosti završena.

Već 26 godina žene iz Srebrenice su primjer ostatku Bosne i Hercegovine i svijetu. Sa odlučnošću i snagom su se borile da pronađu posmrtnu ostatku svojih očeva, muževa, braće i sinova. Mnoge, ali ne sve, dostojanstveno su sahranile svoje najmilije. Pridružile su se preživjelim iz svake zajednice u potrazi za pravdom i istinom.

Drugi u ovoj zemlji – mala manjina građana – ne mogu se pomaknuti dalje od dugačke sjene koju bacaju mržnja i strah.

Postoje oni koji i dalje poriču istinu, oni koji insistiraju – uprkos provjerenim i dobro dokumentovanim činjenicama – da se genocid nije dogodio.

Ljudi koji poriču činjenice često su potpuno zatvoreni za racionalne argumente. Ipak, njihovo poricanje šteti drugima.

Živima i mrtvima oduzima dostojanstvo. Njihovo poricanje krši temeljna načela pravde. Sprečava cijelu zemlju da se oporavi od rana nanesenih unazad jednu generaciju.

Negiranje genocida težak je teret koji građani Bosne i Hercegovine ne bi trebali nositi.

Oni koji se – nakon svih dokaza kojima je dokazano suprotno – i dalje drže monstruozne i iracionalne laži, neće svojom voljom odustati. Zbog toga je u mojoj zemlji negiranje holokausta i drugih nacističkih zločina proglašeno krivičnim djelom.

Bosni i Hercegovini je potreban zakon koji kažnjava i sprečava negiranje genocida. Zakon kojim se tretira glorificiranje ratnih zločinaca.

Takav zakon su trebali i trebaju donijeti predstavnici naroda, jer bi odražavao volju građana BiH – iz svake zajednice – da se jednom zauvijek odvoje od straha i mržnje koji su podstakli zločine počinjene devedesetih.

Na ovu tužnu godišnjicu odajemo počast žrtvama genocida i suosjećamo s preživjelim. Još jednom potvrđujemo opredijeljenost za pravdu i istinu i pridružujemo se poštenim ljudima širom Bosne i Hercegovine koji se odriču zla koje je počinjeno u Srebrenici.